

XII RADNA SJEDNICA UPRAVNOG ODBORA
Javne ustanove Bosansko narodno pozorište Zenica

Z A P I S N I K

MJESTO: zgrada Javne ustanove Bosansko narodno pozorište Zenica,
Trg Bosne i Hercegovine broj 3, Zenica,
II sprat, Kancelarija broj 45
DATUM: srijeda, 07. 02. 2024. godine
VRIJEME: 15.30 h

Sjednici prisustvuju:

1. dipl. pravnik **Una Kulenović**, predsjednica
2. dipl. profesor **Aldina Aganović**, članica
3. dipl. glumac **Adis Mehanović**, član

ZAPISNIČARKA:

4. **Selma Tabaković-Jašar**, voditeljica Pravne službe JU BNP Zenica.
Sjednici prisustvuje i direktor BNP Zenica, **Miroljub Mijatović**.

Dnevni red:

1. Usvajanje Zapisnika sa 11. radne sjednice;
2. Održavanje sastanka sa zainteresiranim licima u vezi sa najmom prostora *Kabare kluba*, u skladu sa Zahtjevom broj: 42/24 i Zaključkom Upravnog odbora sa XI radne sjednice;
3. Odluka o imenovanju direktora JU Bosansko narodno pozorište Zenica, na osnovu date Saglasnosti osnivača – Gradonačenika Grada Zenica br. 02-45-2122/24;
4. Dostava na usvajanje prijedloga Plana javnih nabavki za period 01. mart – 31. decembar 2024. godine – *izvjestilac*: direktor JU BNP Zenica;
5. Inicijativa za izmjenu Pravilnika o načinu prodaje, cijena ulaznica i popustima, uslovima najma prostornih kapaciteta, utvrđivanje kriterija za dodjelu pozivnica i gratis ulaznica broj: 190/21, sa izmjenama i dopunama (Odluke br. 920/21, 1112/21-01 i 1225/22), u dijelu koji se odnosi na cijene najma scenskih i prostornih kapaciteta – *izvjestilac*: direktor JU BNP Zenica;
6. Informacija o potrebi popunjavanja radnog mjesta – *scenski dekorater* (2 izvršioca) u toku 2024. godine – *izvjestilac*: direktor JU BNP Zenica;
7. Informacija o formiranju fonda za održavanje i nabavku nove opreme i imenovanje Komisije, u skladu sa članom 44. Pravila JU BNP Zenica – *izvjestilac*: direktor JU BNP Zenica;
8. Informacija i saglasnost na imenovanje Organizacionog odbora XXIII festivala bh. drame Zenica 2024., uz obavijest o periodu realizacije i osnovnim festivalskim sadržajima – *izvjestilac*: direktor JU BNP Zenica;
9. Prijedlog izmjene i dopune Pravilnika Festivala bosanskohercegovačke drame u skladu sa odlukom OO XXIII Festivala bh. drame Zenica 2024.– *izvjestilac*: direktor JU BNP Zenica;
10. Odluka o uplati premije osiguranja - kupovina markica ZZO ZDK za radnike i radnice JU BNP Zenica – *izvjestilac*: direktor JU BNP Zenica;
11. Razno

1. **Usvajanje Zapisnika sa 11. radne sjednice;**

ZAKLJUČAK: Upravni odbor JU BNP Zenica jednoglasno usvaja Zapisnik sa jedanaeste radne sjednice, koji je prethodno dostavljen elektronskim putem.

Napomena: Druga tačka dnevnog reda se pomjera na završetak radne sjednice, odnosno sastanak će biti održan nakon tačke *Razno*.

2. Odluka o imenovanju direktora JU Bosansko narodno pozorište Zenica, na osnovu date Saglasnosti osnivača – Gradonačelnika Grada Zenica br. 02-45-2122/24;

ZAKLJUČAK: Na osnovu upućene obavijesti po Odluci Upravnog odbora o izboru direktora JU Bosansko narodno pozorište Zenica br. 124/24, donesenoj na prethodnoj XI radnoj sjednici, dostavljena je Saglasnost osnivača – Gradonačelnika Grada Zenica br. 02-45-2122/24 (protokolarni br. JU BNP Zenica: 150/24 od 05. 02. 2024. godine). Upravni odbor JU BNP Zenica temeljem date saglasnosti donosi Odluku o imenovanju direktora JU Bosansko narodno pozorište Zenica za mandatni period od 01. 03. 2024. do 29. 02. 2028. godine.

3. Dostava na usvajanje prijedloga Plana javnih nabavki za period 01. mart – 31. decembar 2024. godine – izvjestilac: direktor JU BNP Zenica;

ZAKLJUČAK: Na prijedlog direktora JU BNP Zenica, prethodno usklađenog sa poslovnim i programskim potrebama JU BNP Zenica, odnosno njegovih organizacionih jedinica i službi u konsultaciji sa nadležnim rukovodiocima, Upravni odbor JU BNP Zenica usvaja Plan javnih nabavki za period mart - decembar 2024. godine.

Predsjednica Upravnog odbora JU BNP Zenica ističe, s obzirom na stavku koja se odnosi na nabavku stolica za Malu scenu „Žarko Mijatović“, da se osigura istovjetnost njihovog dosadašnjeg izgleda. Direktor JU BNP Zenica je takođe saglasan sa prethodno navedenim te će se to pokušati osigurati.

4. Inicijativa za izmjenu Pravilnika o načinu prodaje, cijena ulaznica i popustima, uslovima najma prostornih kapaciteta, utvrđivanje kriterija za dodjelu pozivnica i gratis ulaznica broj: 190/21, sa izmjenama i dopunama (Odluke br. 920/21, 1112/21-01 i 1225/22), u dijelu koji se odnosi na cijene najma scenskih i prostornih kapaciteta – izvjestilac: direktor JU BNP Zenica.

ZAKLJUČAK: S obzirom na uvećanje troškova električne energije, predloženo je uvećanje cijena najma scenskih i prostornih kapaciteta JU BNP Zenica utvrđenih Pravilnikom o načinu prodaje, cijena ulaznica i popustima, uslovima najma prostornih kapaciteta, utvrđivanje kriterija za dodjelu pozivnica i gratis ulaznica br. 190/21, 920/21, 1112/21-01 i 1225/22. Upravni odbor JU BNP Zenica jednoglasno usvaja izmjene i dopune Pravilnika i iste stupaju na snagu osmog dana od objave na oglasnoj ploči JU BNP Zenica.

Direktor JU BNP Zenica takođe obavještava Upravni odbor da cijena ulaznice predviđena za izvedbe predstava u okviru XXIII Festivala bh. drame iznosi =10,00 KM, te da je planirano da se ista cijena zadrži u narednoj pozorišnoj sezoni i za reprizne izvedbe predstava u produkciji JU BNP Zenica, što će kao prijedlog izmjene i dopune biti dostavljeno na nekoj od narednih sjednica Upravnog odbora. Trenutna cijena ulaznice repriznih izvedbi predstava u produkciji JU BNP Zenica jeste =7,00 KM.

U okviru ove tačke dnevnog reda, član Adis M. ističe da je saglasan sa navedenim povećanjem, te da u narednom periodu treba raditi i na dodatnom poboljšanju uslova za publiku koja boravi u scenskim prostorima, počevši i od udobnosti samih stolica, pa uključujući i sanaciju toaletnih prostorija.

Direktor JU BNP Zenica prima na znanje prethodnu sugestiju.

5. Informacija o potrebi popunjavanja radnog mjesta – scenski dekorater (2 izvršioca) u toku 2024. godine – izvjestilac: direktor JU BNP Zenica

ZAKLJUČAK: Upravni odbor JU BNP Zenica prima na znanje informaciju direktora JU BNP Zenica da će s obzirom na penzionisanje 2 radnika biti neophodno popunjavanje radnog mjesta *scenski dekorater*, a isto će biti provedeno prema prethodno propisanoj proceduri koja zahtjeva dobivanje saglasnosti i mišljenja kantonalnih tijela i saglasnost osnivača – Grad Zenica.

6. Informacija o formiranju fonda za održavanje i nabavku nove opreme i imenovanje Komisije, u skladu sa članom 44. Pravila JU BNP Zenica – izvjestilac: direktor JU BNP Zenica;

ZAKLJUČAK: U skladu sa članom 44. Pravila, dio vlastitih prihoda koje JU BNP Zenica ostvari na osnovu najma prostornih kapaciteta i pružanja usluga najma, može se usmjeriti u poseban fond za održavanje i nabavku nove opreme. S obzirom da je u prethodnoj godini ostvaren značajan prihod po navedenom osnovu (oko 40.000,00 KM), direktor JU BNP Zenica pokreće inicijativu da se jedna trećina prihoda odvoji za nabavku sredstava za rad na sceni i neophodne opreme. Prema navedenoj odredbi Pravila, u ovu svrhu bit će formirana Komisija koju čine radnici iz tri organizacione cjeline JU BNP Zenica.

Upravni odbor JU BNP Zenica daje jednoglasnu podršku i saglasnost na datu inicijativu.

7. Informacija i saglasnost na imenovanje Organizacionog odbora XXIII Festivala bh. drame Zenica 2024., uz obavijest o periodu realizacije i osnovnim festivalskim sadržajima – izvjestilac: direktor JU BNP Zenica;

ZAKLJUČAK: Upravni odbor JU BNP Zenica prima na znanje informaciju o imenovanju Organizacionog odbora XXIII Festivala bh. drame. Festival se održava u periodu od 23. do 30. 5. 2024. godine. Što se tiče festivalskih sadržaja očekuju nas redovni prateći programi uz predstave, koje će biti selektovane u narednom periodu.

8. Prijedlog izmjene i dopune Pravilnika Festivala bosanskohercegovačke drame u skladu sa odlukom OO XXIII Festivala bh. drame Zenica 2024. – izvjestilac: direktor JU BNP Zenica

ZAKLJUČAK: Upravni odbor JU BNP Zenica je upoznat sa predloženim izmjenama Pravilnika Festivala bosanskohercegovačke drame (članovi 35., 37. i 39.).

Direktor JU BNP Zenica takođe ističe da je od ove godine uvedena *online* prijava na poziv na učešće na XXIII Festivalu bh. drame, te takođe navodi da je predloženo imenovanje selektora na period od dvije (2) godine, počevši od XXIV Festivala bh. drame, odnosno 2025., nužno najvećim dijelom iz razloga što je svake godine težak zadatak pronaći stručnu osobu koja bi obavljala taj zadatak. S druge strane, selektor imenovan na duži period ima priliku prethodno bolje upoznati aktuelne predstave.

Član Adis M. ističe da je saglasan sa prethodno navedenim, uz napomenu da je i selektoru potrebno dati smjernice kojima bi se vodio pri donošenju konačne objektivne odluke, kako bi se izbjegli slučajevi da određene kvalitetne predstave budu izostavljene sa programa Festivala bh. drame.

Upravni odbor JU BNP Zenica jednoglasno usvaja Pravilnik o izmjenama i dopunama Pravilnika Festivala bosanskohercegovačke drame.

9. Odluka o uplati premije osiguranja - kupovina markica ZZO ZDK za radnike i radnice JU BNP Zenica – izvjestilac: direktor JU BNP Zenica

ZAKLJUČAK: S obzirom na ukazane finansijske mogućnosti i u cilju poboljšavanja statusa radnika JU Bosansko narodno pozorište Zenica, bit će izvršena uplata vrijednosti premije osiguranja – markice za radnike i radnice JU BNP Zenica, koji ostvaruju zdravstveno osiguranje na području Zeničko-dobojskog kantona. Radnici i radnice, njih 5, koji navedeno pravo ostvaruju na području Kantona Sarajevo nemaju regulisan navedeni sistem participacije. Radnica na poslovima kurirke nakon preuzimanja zdravstvenih knjižica radnika i radnica iz Sekretarijata, o čemu će radnici i radnice biti prethodno obaviješteni, izvršit će njihovu dostavu u Zavod zdravstvenog osiguranja ZDK.

Radnici i radnice koji su prethodno izvršili uplatu i kupili markicu, ostvaruju pravo na refunadaciju troškova, što će biti naknadno regulisano.

Upravni odbor JU BNP Zenica prima na znanje i jednoglasno podržava prethodnu inicijativu.

10. Razno

Direktor obavještava Upravni odbor JU BNP Zenica da će u narednom periodu biti nastavljena i okončana priprema Pravilnika o radu, sa sistematizacijom radnih mjesta.

U okviru ove tačke dnevnog reda članica Aldina A., predlaže da se razmotri mogućnost dodatnog uvećanja platnog koeficijenta direktora JU Bosansko narodno pozorište Zenica, uzimajući u obzir da se radi o nižem iznosu mjesečne plaće.

ZAKLJUČAK: Upravni odbor JU BNP Zenica će do zaključivanja narednog ugovora o radu sa direktorom, utvrditi mogućnosti prethodno navedenog uvećanja, shodno upućenom prijedlogu.

Upravni odbor JU BNP Zenica u nastavku radne sjednice pristupa održavanju sastanka sa licima koji su temeljem zahtjeva iskazali zainteresiranost za dugoročni zakup prostora Kabare kluba.

11. Održavanje sastanka sa zainteresiranim licima u vezi sa najmom prostora *Kabare kluba*, u skladu sa Zahtjevom broj: 42/24 i Zaključkom Upravnog odbora sa XI radne sjednice;

Napomena: Članica Aldina A. zbog radne obaveze napušta radnu sjednicu na početku ove tačke dnevnog reda te ističe da bi voljela imati priliku nastaviti razgovor na narednoj radnoj sjednici.

S obzirom na prvobitnu informaciju da bi u prostorima Kabare kluba bili bilijarski stolovi, članica Aldina A. postavlja pitanje da li bi ova vrsta aktivnosti eventualno ometalo redovan rad pozorišta, odnosno pripremu i izvedbe predstava.

U odgovoru na navedeno, prisutni navode da se radi o profesionalnim bilijarskim stolovima te da je nivou buke sveden na minimum.

Nakon održanog sastanka sa zainteresiranim licima (Zoran Sunarić i Ilija Lovrinčević), utvrđuje se sljedeći:

ZAKLJUČAK:

1. Prostori *Kabare kluba* bi bili renovirani, a o čemu bi prethodno bio sačinjen prijedlog arhitektonskog izgleda enterijera, a poželjno na osnovu dostavljenog originalnog tlocrta ovih prostorija.
2. Osim dijela ugostiteljske djelatnosti (posluživanje piće - vino, pivo, hladno posluživanje i sl.), unutar prostora bi bili postavljeni profesionalni bilijarski stolovi.
3. Bilijarski stolovi bi osim namjene za posjetioce, bili korišteni u svrhu održavanja turnira ljubitelja bilijara i druženja.
4. Izgled i konstrukcija bilijarskih stolova bi dozvoljavala da se njihovim prekrivanjem formiraju ravne ploče koje bi dobile namjenu bara i kreirale drugačiji ugođaj za potrebe prezentacija nakon premijernih izvedbi ili druga druženja, tematske večeri, uključujući i one u organizaciji JU BNP Zenica.
5. S obzirom na planirano ulaganje u renoviranje prostora *Kabare kluba* predlaže se smanjenje mjesečne zakupnine sa =1.200,00 KM na =800,00 KM, na ime navedenog. Ista može biti isplaćena i unaprijed 6 mjeseci, prema izjavi imenovanih.
6. Na upit je utvrđeno da bi ugovor prvobitno bio zaključen sa fizičkim licem, a nakon registracije djelatnosti, isti bi bio zaključen sa novonastalim pravnim licem.

U odgovoru na predloženo istaknuti su sljedeće sugestije i pitanja prisutnih članova Upravnog odbora:

Član Adis M. ističe da je *Kabare klub* predviđena kao peta scena JU BNP Zenica i da koncept rada treba biti prilagođen scenskoj djelatnosti, te da je jedan od ciljeva da se publika nakon odgledane predstave druži u ovim prostorima, odnosno da se stvori sinergija između *Kabare kluba* i publike koja

posjećuje izvedbe predstava, te bi svakako trebalo razmotriti da li se bilijar može uklopiti u tu koncepciju.

Takođe, postavlja se pitanja balkona i vraćanja u prvobitni izgled ovog prostora.

Što se tiče visine mjesečne zakupnine, isto bi bilo razmotreno, na koji način i da li je moguće izvršiti kompenzaciju, s obzirom da je osnivač i vlasnik Grad Zenica. Prostorije se daju u zakup na period od četiri (4) godine, uz mogućnost produženja ugovora o zakupu.


Predsjednica Upravnog odbora JU BNP Zenica takođe smatra da izgled treba biti što više sličan onom originalnom, te bi konačna odluka bila donesena nakon dostavljenog prijedloga enterijera na narednoj radnoj sjednici. Ujedno ističe da Upravni odbor JU BNP Zenica postupa u skladu sa Pravilnikom o dugoročnom zakupu te da bi rad *Kabare kluba* podrazumijevao i određenu umjetničko-kulturnu produkciju.

Prisutni članovi Upravnog odbora JU BNP Zenica su saglasni i u dogovoru sa zainteresiranim licima da se održi ponovni sastanak radi razmatranja prijedloga arhitektonskog izgleda prostora Kabare kluba, dizajna enterijera, uslova ulaganja i drugo, te se zakazuje XIII radna sjednica u ponedjeljak, 19. 02. 2024. godine u 15.30 sati.

Sjednica je zaključena u 17.05 h.

ZAPISNIČARKA


Selma Tabaković-Jašar


**PREDSJEDNICA UPRAVNOG ODBORA
JU BNP ZENICA**


Una Kulenović

Zapisnik je sačinjen na pet (5) numeriranih stranicama.

Zenica, 07. 02. 2024. godine
Broj: 195/24